

Broj: 101-179/18**Datum:** 06.02.2018.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH broj 2/98), a na prijedlog Komisije za javne nabavke Radiotelevizije Bosne i Hercegovine, donosim

O D L U K U

kojom je za najpovoljnijeg ponuđača za *pružanje usluga istraživanja i mjerenja gledanosti TV stanica u Bosni i Hercegovini metodom peoplemetra / Monitoring reklama na TV stanicama za potrebe ugovornog organa Radiotelevizije Bosne i Hercegovine za 2018. godinu* izabran ponuđač **AUDIENCE MEASUREMENT d.o.o.** iz Sarajeva.

O b r a z l o ž e n j e

Na temelju Odluke generalnog direktora ugovornog organa Radiotelevizije Bosne i Hercegovine broj 101-44/18 od 11.01.2018. godine Komisija za javne nabavke je pokrenula proceduru po konkurentskom zahtjevu za dostavljanje ponuda koji za predmet nabavke ima *pružanje usluga istraživanja i mjerenja gledanosti TV stanica u Bosni i Hercegovini metodom peoplemetra / Monitoring reklama na TV stanicama za potrebe ugovornog organa Radiotelevizije Bosne i Hercegovine za 2018. godinu*.

Na predmetni postupak javne nabavke, objavljen 15.01.2018. godine pod brojem 113-7-2-6-3-2/18 na portalu javnih nabavki, a u skladu sa članom 88. Zakona o javnim nabavkama Bosne i Hercegovine, ponudu je dostavio ponuđač **AUDIENCE MEASUREMENT d.o.o.** iz Sarajeva u ukupnom iznosu od **KM 33.708,37** sa uračunatim PDV-om.

Provjerom valjanosti Komisija je ustanovila da je primljena ponuda u potpunosti validna, u skladu sa tenderskom dokumentacijom i Zakonom o javnim nabavkama Bosne i Hercegovine, pa je uzeta u razmatranje za valorizaciju ponuda i izbor najpovoljnijeg ponuđača.

S obzirom da se radilo o konkurentskom zahtjevu za dostavljanje ponuda, da je u potpunosti zadovoljen princip transparentnosti, te da se dodjela ugovora, u skladu sa članom 64. stav (1) tačka a) Zakona o javnim nabavkama Bosne i Hercegovine, zasniva na kriteriju najniže cijene tehnički zadovoljavajuće ponude, Komisija je postupila u skladu sa članom 89. stav (3) Zakona o javnim nabavkama Bosne i Hercegovine i izvršila izbor najpovoljnije ponude.

Pošto je samo ponuđač **AUDIENCE MEASUREMENT d.o.o. iz Sarajeva** dostavio ponudu, te da je predmetna ponuda u potpunosti validna, ugovorni organ Radiotelevizije Bosne i Hercegovine je, na temelju svega naprijed navedenog, odlučio kao u dispozitivu ove Odluke.

Pouka o pravnom lijeku

Protiv ove Odluke dopuštena je Žalba ugovornom organu kao prvostepenoj instanci u postupku u roku od 5 dana od dana prijema iste u pisanoj formi, a u skladu sa članom 101. stav (5) Zakona o javnim nabavkama Bosne i Hercegovine.



Generalni direktor BHRT-a
Belmin Karamehmedović

Dostaviti:

- AUDIENCE MEASUREMENT d.o.o. Sarajevo
- Arhiva